

柳州府志卷之三十

獠獞

附方言

柳郡隸粵之右壤為羣蠻隩區其醜類浩繁難以悉數然有約畧可紀者馬平廂民皆屬寓籍獨獠獞為地著矜人獠人亦偪處焉雒容獞七而獠三又有狼人與矜並耕柳城之蠻曰獯曰獠曰狄曰獠餘盡獞也羅城有苗矜獞狼獠凡五種懷遠有獠獞狗矜狙苗凡六種若融縣象州獠獞叅半而來賓則獞居多蓋自古叛服不常史稱戎首莫如

柳州府志

卷之三十

獠獞

附方言

一

獠獞今已久附春秋冠帶之列矣惟在官斯土者不鄙夷其人而撫輯得宜則邊徼永寧厥功兵懋矣哉志獠獞

獠

獠人八蠻之種也椎髻跣足衣斑爛布褐采竹木為屋繩樞葦竇覆以菁茅種禾黍粟豆山芋雜糧暇則獵山獸以續食嶺磴險阨負戴者悉著背上繩繫於頸膊間偻而趨喜讐殺又能忍饑行鬪履險若飛兒能行燒鐵石烙其跟蹠使頑木不仁故

能履棘茨根柢而不傷兒始生稱之以鐵如其重
漬之毒水兒長則煨其鐵製刀試刀必斬牛仰亦
牛項下以肩負刀一負即殊者良刀也弩名偏架
以一足蹶張背手傳矢往往命中鎗名棹鎗長二
丈戰則一弩一鎗相將而前執鎗者前卻不常以
衛弩執弩者口啣刀而手射人或冒刃逼之釋弩
取口中刀奮擊退去必有伏弩歲首祭先雜揉魚
肉酒飯於木槽扣槽羣號為禮十月朔祭都貝大
王男女各成列連袂相攜而舞為之踏猺樂有鑢

柳州府志

卷之三十

猺獞

附方言

二

鼓胡盧笙竹笛之屬衆音競鬩擊竹笛為節山田
無幾天少雨稔種不收無所得食則踉蹌篁竹間
潛出剽掠事已即遁入巢山多蹊箐官軍屯防不
易生猺在窮谷中不與華通熟猺與州民犬牙或
通婚媼白猺大類熟猺黑猺大類生猺又大良猺
有戶口版籍較民淳樸租賦尤易辦其俗敦厚人
至其家不問識否輒具牲醴任大嚼劇飲無吝意
後被獞殺占逃散去之城廂村落傭耕樵採為食

獞

獠與獠雜處元至元間來自湖北或曰非也荆蠻故無獠獠名獠徭也粵右土著先時就撫籍其戶口以充徭役曰獠獠撞也粵之頑民性喜攻擊撞突曰獠故獠人易馴獠人難治獠俗與獠畧同而性特剽悍魑結貫耳富者男女皆以銀作大圈加頸男衣短窄裂布束脛出入常佩刀女衣不掩膝長裙細褶綴五色絨於襟袂裙幅間善涉水手攝裙幅視水淺深以次收展春間插秧男女俱在田中其已嫁而未生子者則以裙覆其足雖淹至膝

弗屑也葺茅作屋而不塗衡板為樓上以棲止下頓牛畜謂之麻欄子大娶婦別欄另饗娶日妻即還父母家夜與隣女作處數年回時間與夫野合覺有娠乃密告其夫作欄遂延師巫結花樓祀聖母親族少男少婦數百人歌飲號叫劇戲三四日夜乃畢謂之作星少婦於春時三五為伴採芳拾翠於山椒水湄歌唱為樂少男亦三五為羣歌以赴之一唱一和竟日乃已以衣帶相贈遺謂之結同年既嫁則不復相聞席地而炊搏飯掬水盛夏

露處冬則圍爐達旦無床衾宴客以肉盛木具或竹箕均人數而分置之罷則各攜所餘去分肉或不均銜之終身莫解春秋祭社陳豬一口延師巫咒畢即在祭所分割而生啖之社無定所偶指片石以為神即相戒不敢犯其尚鬼乃天性也又善為毒矢為蠱毒好鬪狠或誤殺人者以牛畜為償或數十頭至百頭名曰人頭錢流刼則糾黨麋起亦有渠長人給銀三錢贍其家曰鎗頭錢在山要人於路伏草在江繫船取貨羈以求贖謂之勾船

柳州府志

卷之三十

獠獞

附方言

四

或攻村民棄田廬以遯即其村據之謂之打地刼物不論多寡敝衣釜甑之屬罄捲而逃官司覺治莫知其亡處先出重金購之名曰買線戚屬利得金輒以所匿告往而成擒性又耐饑啖鹽數顆草木皆可食然獞亦有生獞熟獞與生熟獠大抵相類云

按獞人多無鬚其有以鬚見者非其種也向在省見義寧獞吳金銀其髭鬚頗可觀自矜岸異遂謀不軌旋即剿滅蓋非所有而有之謂之不

祥可也

楊廷璋識

狼

狼男女俱挽髻前銳後廣覆以白布績麻為衣無刺繡經年垢積不一滌除善伏弩獵山而食兒能騎犬引弓射雉兔掘鼠少長習甲騎應募為狼兵善鷄卜其法取生鷄雄者折一翼東嚮去翼膚肉視骨骨有紋路明則吉暗則兇以定嚮往性饕餮血食腥穢狼籍居室中臥惟席草是名狼也亦有熟狼居瓦屋種稻田嘗出市山貨與民無異

柳州府志

卷之三十

獠獞

附方言

五

狔

狔者另也諸蠻之外別為一種大籐羅運山中其幽崖奧谷是生狔人不室而處饑拾橡薯射狐掘鼠蠶蠹蝨蝻甘生如薺卉衣鳥言重譯乃通又狔外曰狙其風罔聞

按桂林義寧縣編戶有獞里本柳州狔人元至正間募人墾田善勁弩藥鏃分遣守隘但納賦復其差然亦呼為獞以其類同也

狔

狄人俗亦類獠而頗黠桀性能耐寒故口狄濱河
傍溪嚴冬裸而獵魚其見官長不知跽拜以跣跌
為禮

狴

狴人黔南之界地接生苗往往有之羣鬪不勝則
以首觸撞若羊生理一切陋簡荆壁不塗葦戶不
扃男子計口而耕婦人度身而織暇則漁獵為業
婚聘以犬相遺父母死焚其服御謂之送葬

狴

柳州府志

卷之三十

獠獞

附方言

六

狴人所居谿崗又謂之峒人椎髻首插雉尾卉衣
善音樂彈胡琴吹六管笙長歌閉目頓首搖足為
混沌舞衆歌以倚之性不喜殺蠻之有狴猶獠之
有大良云其俗貴少賤老斑白悉拔其鬚春時常
以巨木埋地作樓高數丈歌唱者夜則緣宿其上
謂之羅漢樓羅漢者惡少也

獞

獞自稱曰獞而不好田作販薪糴穀家無宿舂男
子年三十以往乃婚或野合終身不配為人傭保

獠

獠女黑齒黥面繡額為花草蜻蜓蛾螻之狀記所謂雕題漆齒者也嫁則自荷傘戒徒聚族數十人送之在深谷者為生丁黑丁雜民處者為熟丁白丁

苗

苗人自為一類其女善為漢音操楚歌掛釵留客能為鸚鵡舞生女則還母家曰一女來一女往宋史蠻俗鑄銅為大鼓初成懸庭中置酒以召同

柳州府志

卷之三十

獠獞

附方言

七

類爭以金銀為大釵叩鼓去則以釵遺主人號有鼓者為都老衆推服之

虞衡志馬援於交阯得駱越銅鼓鑄為馬式按蠻俗最尚銅鼓相傳即伏波所遺時有掘得者其製如坐墩空中極薄而堅花紋細縐甚精古四圍有小蟾蜍昂首環向受擊處平如鏡面稍厚叩之鏦鏦如不作銅聲蓋南方易雨而銅鼓經霖潦濕露其響尤清越云諸蠻戰陣祭享合樂皆用之
獠人樂有銳鼓狀如腰鼓腔長倍之上銳下侈亦

以皮鞞植於地坐而拊焉

嶺南蠻習在昔婚媾不正桀而黠者竊人妻女以逃轉移他所安居自若謂之捲伴言捲以為伴侶也已而復為後人捲去至有歷數捲未已者其舅姑若前夫訪知所在詣官自陳官為追究往往所謂前夫亦是捲伴得之復為後人所捲惟其親父母兄弟及初娶者所訴即歸始初被捲之家見范成大桂海虞衡志今則此俗盡變矣

蠻弩諸崗猺恃為長技以硬木為弓樁甚短似中

柳州府志

卷之三十

猺獞

附方言

八

國獵人射生弩但差大耳取蛇毒草合藥濡箭鋒中者立死又一種名偏架弩無箭槽偏架而射也兩江溪崗諸蠻無少長咸佩刀一鞘兩刀長二尺餘跬步不捨寢食不離性與習然也

嶠南瑣記云粵蠻交易初無文券多用木刻長短大小不等穴而藏之其文各以事異漢人莫識也又其有讐欲復或行刦掠約日集事先期插木於山最高處謂之插牌偵知者亦得預為之備赤雅云獞人善鷄卜其法不一以雄鷄雛執其兩

足鷄匠焚香禱祈占畢殺之拔兩股骨淨洗用線束之以竹筵插束處使兩骨相背端執稱祝左骨為儂儂者我也右骨為人人者事也視兩骨側所有細竅以小竹筵長寸許偏插之斜直偏正任其自然以定吉凶其法有十八變直而正近骨吉曲而斜遠骨兇漢元封二年平越得越巫適有祠禱之事令祠上帝祭百鬼用鷄卜斯時方士如雲儒臣如雨天子有事不昆命於元龜降用夷禮廷臣莫敢致諍其術豈有可觀歟

柳州府志

卷之三十

獠獞

附方言

九

張司正倦游雜錄云蠻婦生子輒取其胞衣淨濯細切五味煎調之召至親者合宴置酒而啗若不預者必致忿爭

溪蠻叢笑云獠婦生子經三日便澡身於河返具糜以餉壻壻擁衾抱雛坐於寢榻謂之產翁其婦亦無所苦炊爨樵蘓自若

胎髮不薙長大無梳篦不裹巾蓬垢鬢鬢自古已然曰椎結

不乃羹以牛羊腸臟畧擺滌作羹以饗客臭不可

近客食之既則大喜不乃者反切擺也
獠獠寢不置床冬不覆被以三叉木支棘荆而泥
之燃火炙背土焦則易故膚多黎黑輾轉數易謂
之骨浪

山獠穴居野處編茅以庇風雨轉徙無定去則火
之炙地使饒疊石為記一二年乃復來謂之打寮
甲與乙有隙兩相鬪敵背牌護身遠以標鎗鎗盡
挺刃而前謂之對刀

獠人好殺一語不相能輒挺刃而鬪鬪或傷其一

由此世世為讐然傷男子讐只二姓若傷其婦而
婦之父母伯叔兄弟皆怨家矣借人助殺謂之洗
面人與婦通以牛酒謝罷謂之洗粧

嶺表錄異云南方草木可衣者曰卉服績其皮者
有勾芒布紅焦布績其花者有桐花布瓊枝布婆
羅布又古貝木其花成對如鴛鴦抽其緒紡之與
苧不異曰吉貝俗呼古為吉也多紫白二種亦有
諸色相間者蠻女喜織之文最煩縟間出售城市
值最貴白衣則謂之斑衣種女劉禹錫蠻女鉤輶

音蠻衣斑爛布然今之獐錦實綿為之而雜以五色蠶絨非盡草木也

青箱雜記云獐俗相呼每以各人所生男女小名呼其父母元豐中余任大理丞斷賓州奏案有獐人韋超者其男名首即呼超曰父首又韋遨之男名滿即呼遨曰父滿韋全之女名插娘即呼全作父插韋庶女名睡娘即乎庶作父睡妻作嬾睡獐人失牛追躡牛跡所至遇村落即責村之甲老曰牛至爾村請為代緝甲老更躡牛跡又至一村

柳州府志

卷之三十

獐獐

附方言

十一

責亦如之迭更數村而牛跡漫滅不可尋則曰匿此所矣返報失牛之家糾衆往而大譟必令最後所至之村倍償乃已此習至今猶然

解牛多俚婦亦曰屠婆縛牛於木數之曰某時牽汝耕田不肯耕某時乘汝渡水不即行今何以免死乃殺之

馬平縣

馬平去城十里則有獐百里外則有獐耕田輸賦皆熟獐熟獐也又有狴狴二種風俗簡陋以種山

捕獸為業

明初移府治於馬平上林縣尚為土官賓象融羅諸獠蠻蟠結為寇城外五里即賊巢軍民至無地可田後屢加征勦置土巡檢於各崗隘稍稱寧焉永樂間五都獞梁公竦等作亂都督韓觀勦擒斬首萬餘級民多逃亡存者數十戶耳沃壤荒蕪往往募獞人耕種獞日繁而剽掠滋甚宣德四年公竦餘黨復構洛容諸蠻出劫指揮王綸縱兵勦之良民多被屠戮山雲以聞上命逮治已而山雲上

柳州府志

卷之三十

獠獞

附方言

十二

征柳州蠻賊首功上謂尚書張本曰蠻寇害民譬之蝨賊害稼不可不去然殺戮已甚朕實憫焉其令雲善撫之且瘡癘之鄉損師勞費致變之由緣邊臣綏馭乖方煩茲血刃奈何復以為功宏正以後寇起多不上聞馬平三都五都結洛容獞嘯聚如故柳州守劉璉率兵堵截賊走追至百里援兵不至賊還戰剖璉腹實草焚其尸督臣匿之而諸蠻益肆民田皆沒於獞縣官擁空籍而已

嘉靖二十四年馬平獞韋金田作亂占據水陸二

路都御史張岳檄總兵陳圭調漢土兵七萬討之
攻拔雷巖平田同良落滿等寨進圍魚窩巢魚窩
石壁削立拔地數千丈四周傾仄不可置足山頂
繩懸礮石兵一臨寨飛石交擊我軍進而輒却諸
將以為難岳曰魚窩不破即他寨破無為也督攻
愈力賊悉衆固守晝夜不輟岳佯令解圍寨中賊
稍遯去於是移鎮柳城召諸將授方畧皆曰不如
罷兵徐圖岳度諸將不足與計事乃召副總兵程
鑒令選精銳備親軍鑒選三千餘人請所用岳曰

吾欲得死士任吾指揮死且優恤其家於是願從
者七十人屬鑒刳寨鑿有難色岳顧左右酌酒灑
地誓必滅賊出袖中二紙示之曰此吾疏草也寨
破薦爾首功不破則爾養寇為首罪惟君所擇耳
鑒泣曰願為公死時賊巢苦乏水每日瓶水計口
而分一日五賊守險逕爭飲奪瓶瓶覆皆大喧欲
散去比夜堅臥不巡警而鑒將七十人至寨下未
敢發也先令五死士揉木而上五賊熟睡弗覺因
斬之代為巡警而召六十五人者冒險夜登聲喧

寨中賊大驚併力出戰山下兵復乘之砲刃交發
遂破魚窩韋金田及其衆皆自焚死俘斬凡四千
餘級撫戢其餘黨而還

前平馬平時因建營堡使土舍韋志隆提兵往屯
其地有獐人韋王朋視堡兵如仇讐常率東歐大
產諸酋要挾營堡分守彭應時兵備周浩使千總
往撫竟殺千總會縣官度田王朋復無忌反為阻
撓甚至白晝劫村落官軍相視不敢捕萬歷八年
總兵王尚文請於制撫劉堯誨郭應聘統兵攻剿

大斬獲盡俘其男女牛馬器械而後返初馬平獐
常請鄉大夫之託以佃丁莊戶浮沉閭閻而鄉大
夫亦親入寨崗交錢財課租責息出入縣庭以致
生變至是兵部尚書梁夢龍請著為令令監門各
立門籍加譏察所與獐獐通因而致富者即以其
財產沒官詔可之四十六年中段梁道金上廖村
羅勝代底廖村羅神度大婆崗廖廷相計村韋公
荒田村郎雄綱名村占繼田等相煽為亂守道周
起元勦擒之

崇正八年三都獐韋志賢韋志道爭為土舍弟兄
謀殺各率其黨為民害至

國朝順治十五年其子韋大韋二韋八俱自號將軍
總兵官全節往勦之始平三都有里高皂嶺曹顏
都樂四堡錢糧舊於遷江徵納即遇仇劫命盜刁
匪往往兩地竄匿遲延抗玩雍正八年知府錢元
昌廉悉其情具詳兩院檄堡目韋光夏黃振等輸
宥前罪自出首服報吐欺隱糧數割歸馬平額徵
三都安輯

柳州府志

卷之三十

獐獐

附方言

十五

雒容縣

雒容獐人與狴狼雜居性剽悍好劫掠屢征乃平
明宣德四年雒容蠻出掠指揮王綸破之詳見馬
平

縣治原在白龍巖明天順間燬於賊邑民奔朱崙
居之後即山麓甃為垣湫隘幽陰甚弗稱距古田
常安鎮僅隔一水嘉靖初古田賊韋銀豹與其從
父朝猛攻破之後稍修復城中僅茅屋百間募卒
殘民居之而官吏皆僑居柳郡遙示約束隆慶初

大舉古田師集兵糧於雒容掌縣事知州余涵始構公宇時古田賊多遁洛斗及附縣諸村當事者議并加兵有老人莫正等素通賊密以情告賊懼投正等賂涵為請軍門得逋誅先是賊妻子禾畜半匿城中正等乘兵威脅之邀厚利及兵退求賞弗獲始與縣民為讐無何涵轉官知縣邵廷臣來代知賊反側議復縣城於白龍巖避之守巡官以役鉅費艱議久未決廷臣旋以憂去諸賊糾永寧遺孽韋狼要等時時嘯聚而柳城上油崗與諸巢

相聯絡為之淵藪萬歷元年舉懷遠師都御史郭應聘慮雒容城守單弱召上林縣兵一百名協守賊稍戢典史謝漳者委護縣印酒酣嘗語人曰諸賊患在臥榻當并除之賊聞之懼適一商販陶至獞村獞爭取之弗酬其值商以訴漳漳執二獞罪而擊之賊益憤日搆韋黨及上油諸賊為挾撫計會上林兵糧乏逃歸守哨指揮朱昌蔭弱不振賊覘知以二年春集黨數十人從隙垣緣入先釋二獞急趨漳所掠其印而出遂殺漳仍嘯聚山隘聲

言占據縣城報至應聘集諸司議謂雒容之賊罪在不宥宜芟滅之毋令復滋副使沈子木曰雒容之變上油崙賊與焉置弗問賊將盡匿此中宜急擊勿失應聘然之遂檄總兵官李錫等移師雒容檄都指揮楊照等分兵攻上油崙約期並舉賊懼獻還所掠印求罷兵應聘不從麾五路兵以二月十五日并進連破托定洛斗金崙古龍黃塘諸巢擒斬首從賊羅顯陽覃明威等共六百四十有奇照等攻上油連破板橋姚崙青鳥黃泥常安滿巖

諸巢俘獲首從賊級四百六十有奇各賊散遁匿里廂下良諸巖里廂下良共一山長數里許中寬而曲水石各半我兵緣石磴捫蘿而上上盡復乘竹筏由水潭入乃於筏上架雲梯升崖峭壁欽岑窅杳非握炬不能一移足賊從暗中見火光即矢石亂下諸兵相顧駭愕子木與照先令作長炬數十載竹筏上推入巖口畧窺路徑次日選敢死士出賊不意於黑處乘筏架梯緣巖而上賊一聞狼兵聲息驚潰投潭中溺死無算遂擒斬首從賊三

百五十有奇撫其餘黨降之乃於雒容縣編里分屯阨塞一守橋鄧隘一守都勒隘一守平徑隘於三板橋設堡一屯土兵百人覈賊遺田九百二十五畝給之耕守於柳城覈賊遺田復安勞堡募兵八十名給田糧五十餘石耕守之又募足里廂堡兵一百二十名分其半於境村立堡以頭目莫希顏及其子顯學分領之給遺田得禾一十二萬八千六百九十餘把以充兵食二邑俱平萬歷四年移雒容城自是而柳州安堵矣

明郭應聘曰柳州之民歲苦寇攘甚矣固山谷險阨足恃亦逋逃淵藪為之左右耳獞侵吾民膏腴往往托跡豪右圖自完歲輸私租不供公賦恣其吞噬官司索急輒以佃丁庇之甚者保納舍藏無復顧忌賊焰益熾則賦益虧額而閭里生計索然矣皮之不存毛將安傅彼為是者獨何心哉雒容馬平之患胥坐此至有舉十數巢落而附於一門者嗚呼子視盜賊讐視吾民律以漢法宜何如坐也故先王之制治內詳而治外累安得如鄧鴈門

甯內史其人者而與之便宜耶

國朝雍正元年東塘獐為盜窟巡撫孔毓珣署提督過雒容遣將討之開路設驛以成坦道

柳城縣

柳城有獐獐獠狃五種言語各不相通而尚鬼導淫大槩相似至上油崗諸巢皆蠻窟也其事蹟參見雒容

明嘉靖十七年十月西鄉落濛賊梯越城西劫縣庫知縣朱環懼自縊二十三年上油崗蠻周錢旁

柳州府志

卷之三十

獐獐

附方言

十九

擁衆肆掠巡道魏良輔勒兵征之賊遂遁二十四年周王諫及其子金才聚雒容古田賊作亂勦之不克二十五年秋七月知府王三接遣典史何宇襲擒周王諫及其子金才斬之傳首軍門九月逋孽周金豹狼明等復糾古龍諸崗賊流劫幾危縣城二十六年春正月巡道魏良輔叅將戚振勦金豹等平之三十四年上油諸崗賊復蜂起三劫倉庫連年為患三十四年落濛賊謀劫融縣庫初賊入融縣北城劫吳指揮家上廊銀匠復勾賊越西

城謀劫庫殺街民傷軍歛至是復聚衆伏於老子山後為樵者所見奔報縣官集兵圍山至晚堡兵闕圍縱之

羅城縣

羅城縣東一西一西七西九東五平東上里咸矜種平西布政高懸里咸獐種郡那等四堡咸狼種獐俗較矜狼為頑悍通道鎮有苗獠男子衣服與漢無異婦人衣左衽至復裙有殺至膝用五色彩絨織繡邊繫古銅錢步行有聲

柳州府志

卷之三十

獠獐

附方言

二十

永樂七年羅城洞蠻潘父惹聚衆為亂柳州等衛官軍捕斬之十九年土酋韋公成乾等倡亂獐民各亡入山谷與之相結事聞遣御史王煜等招撫復業三百餘戶至是俱至仍隸籍為民

板獠有祖帖開敘功績子孫代山火食名為自在歷朝恩免山稅中亦多名公卿帖有印形圓稱為狗爪印累世相傳

縣北通道鎮塘頭諸村界接黔省西山古州夾山鳥道崙民藏險不出每為逋逃藪時議設營汛

提督張溥遣叅將劉成往視見山巖險阻遽還請
非發兵不可知府錢元昌力言兵一發即多擾且
土蠻莫測官意將謂勦除勢必鋌而走險速之亂
矣乃籌度情形密申巡撫金鉞開誠檄諭曉以禍
福村獐黃光直黃發顯等初甚疑懼繼皆捧檄感
泣匍匐到官稱蠻等生處巖崙今幸為
聖世良民恩實再生率各崙頭人伐木斬竹起築營舍
甫半月告竣復以山徑陡窄几近村應納秋米令
移輸通道兵防賴之

柳州府志

卷之三十

獐獐

附方言

二十一

融縣

融縣獐獐甚夥有獐村獐村或分地而居或彼此
相錯獐有紅黑白三種乃諸葛武侯征孟獲流入
背江居者其山中多虎豹猿猴有啞泉在水冷崙
融之竹木俱產此焉

宋真宗祥符中撫水州蠻蒙承貴數寇宜融州界
詔以曹克明為安撫使俞獻可為轉運使王文慶
馬玉楊守珍等為都監發潭州兵五千人討之上
以蠻獠異類攻剽常理不足以剿絕且道險難進

攻克明等設方畧攝其酋長但索所掠生口因而撫之克明獻可言蠻人去東寇天河今又鈔融州諸砦剽掠官舍累以詔旨宣諭曾不悛革臣請便宜掩擊從之乃與守珍等分路進擊兵次黃泥嶺承貴守要害悉衆拒官軍克明召山獠嚮導賈勇而進自辰至午大潰其黨因追襲至中房前村殺傷甚衆縱火焚其室廬積聚自此恐懼竄入山谷乃緣龍江南岸而東會日暮過石峽隘險士不并行蠻復連弩北岸克明遣猛士步涉與鬪至即走

砦又設伏砦外是夜蠻衆大集遇伏發內外合擊斬俘無算乘勝搜山悉得馬牛享士卒於是曉諭恩信許以改過承貴面縛詣降克明數責之且犒以牛酒皆俯伏謝罪及聞詔旨赦令勿殺莫不泣下北望稱萬歲乃畝貓血立誓自言奴山摧倒龍江西流不敢復叛凡納器甲五千數願遷處漢地者七百餘口請改州縣名以固歸順之意詔從之明洪武初融縣蠻攻劫縣治柳州指揮蘇銓捕之十一年千戶徐與率兵征保江浪溪江黃坭等寨

十九年桂林指揮韓觀討平融縣諸蠻永樂十四年融縣獠民作亂官軍討平之十九年融縣蠻賊五百餘人羣聚剽掠廣西叅政耿文彬率民兵會桂林衛指揮平之二十年十二月賊攻縣城官軍拒之斬賊首五級奪還融水驛及清流鎮巡檢印二顆
永樂洪熙間獞殺浪溪江上金太平等鄉民一千四百九十餘戶田地盡為所據民逃居境內者官征糧差如故

柳州府志

卷之三十

獠獞

附方言

二十三

成化中分守柳慶右叅將歐磐與左叅將馬義討八砦獠克之師旋餘賊復出掠

隆慶元年金指揮領兵勦平鵝頸鎮鸚田賊四年冬小源賊燒劫鐵爐廂民居越數日又屠織籠村官兵勦平之

國朝康熙十四年米崙賊韋志龍作亂攻破長安一帶地方劫掠懷遠板江等村燒燬房屋殺死多人提督馬雄發兵勦之逃匿羅城為羅兵所殺
懷遠縣

懷遠縣有獠獐狗狽苗六種耕田納賦謂之住
獠種山而食去來無常謂之流獠又有黑獠最獷
悍獐人則男女皆斑衣長僅至臍裙不過膝好樓
居甌爨俱在樓上如北杲等村是也苗人則男女
俱穿耳男頭插白雉尾以銀箍圍額飾頸手戴銀
鐲裙用六幅青布不縫掛於下體其長過足即用
為脚纏不識文字或賣田地以木刻記之飯無碗
箸手按作團和以魚酢則為上食宴客殺牲用剪
不用刀砧如大營崗梅寨等村是也狗狽亦如之

如永吉三崗等村是也獐人居山谷種植山禾每
日薄暮始舂粟無隔宿之炊單衣不利於寒長袴
不利於走較諸種最為愚弱近則開通河道一由
都江經梅寨等村抵古州一田斗江經石門隘抵
龍勝行人絡繹不絕而義寧之役苗民率皆撥船
護送兵糧不爽時刻其船每隻約載糧八九石總
不過十石遇灘險處則率下水相幫從無沉溺之
患炊飯俱用糯米故官糧絕少偷竊而不肖吏役
每因斗斛量折責令賠償諸苗亦皆承認蓋懷德

畏威不敢復肆村落間時有塾舍書聲其所漸摩者深矣

宋崇寧中古州蠻納土號懷遠軍尋改平州尋復廢明初將軍吳良征蠻降古州崙因割融縣金鷄鄉益之列四鎮置縣治於潯江融江之匯顧地形崎嶇弗稱附郭左右猺獠環居之三甲民遠處諸猺外民無固志正統初賊首韋潮振等聚黨千餘荼諸邑聚報聞上命撫之耳成化後侵入融縣板江諸村據之當事者置弗問嘉靖間知府江滿乘

馬平征師之便自將征之失利賊勢益張遂破縣治知縣布恒懷印出匿自是城郭為墟而三甲遺民僅延喘息縣官惟僑居府城隆慶初占田克復諸猺畏兵威願內屬知縣馬希武議復城縣興板築督率過嚴猺人斃杖下不堪命復嘯聚攻城殺希武及經歷俞冕等五人變聞詔討之萬歷元年督臣殷正茂撫臣郭應聘檄諸司議以近縣近江諸巢為必剿之寇黃土諸獠白杲諸獠青洪大海諸猺宜從安撫乃召客兵土兵十萬六千餘人先

遣鎮撫朱萬世千戶翟廷鸞主簿李材入諸巢撫各蠻俾毋首鼠願立功者如賞格於是諸猱獐願出兵內助圖自完賊勢寢孤兵既集應聘令總兵李錫督五六船暗伏江口薄暮賊艇數百蔽江下伏兵按號發銃賊驚奔還我兵泝流砍柵毀囤而進賊遂遁舟師追之賊艇覆弱無算次日盡發諸兵分山撲剿賊衆數千阻澗鼓噪白盾如墻而進我兵開營鼓士雙撻其前左哨衝其腹右哨薄其後賊遂大潰官兵乘勝追擊搗太平河里連破七

團諸巢直抵靖州界擒斬甚衆時天鷲嶺之北賊已畧盡而杲黃大地賊猶聚郡鄧山乃量留兵縣北營故地盡移諸兵與坡頭縣南兵分道夾擊復大破之諸兵追逸賊望一大巢長亙數里崖壁峭絕以合圍大木列為重柵詢之撫猱云上猱龍七寨也諸猱稱曰猱官猱王急則入竄其地官兵攻之賊殊死鬪矢石如雨下有數婦裸體揚箕擲羊牛犬首為厭勝術官兵砍柵直上四面舉火烟焰蔽天賊大敗潰梟斬賊級及燒死者無算獲懷遠

官錫牌及演禽決戰妖書是役也破巢一百四十餘獻馘二千五百四十二降其衆五百餘人應聘復用子木議條善後計謂懷遠舊治環諸獠中四顧榛莽無所恃守宜更擇其便者至若諸獠新附宜為聯屬太平河里四港諸孽屬之三甲猛團七團諸孽屬之武洛狗桐木合水三門諸孽屬之白杲獠武生朱應暘統之郡鄧坡頭杲黃大地諸孽屬之士舍韋昌金主簿李材統之邊田板江諸孽屬之浪溪寶江良獠千戶羅大本統之河潺蕉花

諸孽屬之背江良獠百戶任邦祚統之庶幾聯絡勢成不敢復萌異志又於板江堡屯兵五百人以把總王鸞統之疏入悉從之下所司次第行遂議改縣治於板江四年獠復叛戕把總李材於坡頭堡尋毀板江堡縣竟弗克成自是縣官仍寓融城若寄公然六年賊復攻長安鎮官兵敗之賊舟覆溺死者無數萬歷十七年知縣蘇朝陽入箐崙諭郡蠻卜丹陽而遷居焉城郭學校煥然一新自是而諸獠翕然嚮化矣

富祿寨在懷遠之西界與黔省之雲崗相隔三十餘里其南江一帶地土相連聞昔年雲崗恃強將富祿寨燒殺一空又串通懷屬之敲頭寨招富祿苗佃田名為餘崽富祿苗每年認派酒米等物分送雲崗敲頭等寨以圖安居耕種雍正八年平古州時知府袁承紉經過其地嚴為禁止雲崗恃在隔屬怙惡不悛兼有苗人越境而耕乾隆六年南江作亂富祿安兵堵禦遂不相往來有越境者罪之雲崗不甘始以爭田控懸案不結八年右江道

周人驥奉委會同古州道孫鈞往訊查雲崗苗石香田控爭大小兩冲之田八百零三把俱無確實即富祿苗堅供只有崗崽田二百四十四把亦無憑據應仍照永從懷遠兩令原報八百零三屯之數折中斷給雲崗苗田四百屯內除附近雲崗之續告田六十屯聽雲崗苗自耕外餘在富祿寨之田三百四十屯仍令富祿苗佃種每年租禾一百七十把每把重四十觔秋收時令雲崗苗稟明永從縣關移懷遠縣交收不得擅行過界滋事至雲

崙續告之田三百九十屯既據梁金晚等供明實
係雲崙之田應歸雲崙自耕其富祿村邊山坡地
角聽富祿苗開墾母許雲崙越界借墾從前租禾
免其追補各具遵依結案續經藩司議詳以每把
四十觔之禾倘遇歉收似難足額應於收租時該
二縣查明定議亦令各苗遵照嗣因雲崙苗尚有
田在富祿界內往耕而富祿苗復以強挖伊田具
控經前撫楊錫紱摺奏仍委兩道員覆勘復行縣
徹底清查隨據富祿雲崙隣寨頭人吳金姚金勾

等稱兩寨不願終訟請將所爭田八百把零六手
各半均分以息爭端并將兩寨零星攙雜地土各
行抵換以清界址兩道覆訊無異以邊苗與內地
有間不便遽繩以法即照縣議詳結永杜爭端至
今寨苗庶得安枕矣

石金元義寧叛苗吳金銀餘黨也乾隆五年金銀
敗官兵搜勦桑江攜眷逃居懷遠之里潮獨崙等
寨與戴老四遇仍謀為匪被腮江苗驅逐復竄於
黔省之金城又遷於黔粵交界之三白山冲時義

寧遺孽曹雙樓以黃順等被獲將求援於李天保尋至上林宣化俱不遇因同彼地之張貴全等赴金元所金元欲報腮江之怨囑雙樓詭言遇天保於潯州加己為將軍封號羣苗俱被煽惑六年二月移居於丟寨後之龍頂山衣紅衣焚香畫符聲言可辟鎗鉤蛇虎羣苗各送米供爨出銀上橋上橋者苗言入夥也其舊黨吳老藍率衆來會并糾附近寨苗得一百三十餘人而南江之吳戶堂吳銀堂亦與焉三月朔破永從將往黎平行至已南

柳州府志

卷之三十

獠獞

附方言

三十

坡遇官兵攔截不敢前退回空洞再遇鄉兵掩之殺幾盡金元遂同金要回丟寨復挈家由老荒山潛歸獨崗自歸盆已馬山溝逃至湖廣通道縣木瓜寨後山又潛匿於已馬美臥各寨經黔粵西省先後撥兵擒獲正法搜洗各箐餘黨悉平

象州

象州東界修仁荔浦南界武宣桂平西界來賓馬平北界雒容諸邑各有獠獞故州之各鄉多其種類男女椎髻徒跣截竹筒而炊待雨而耕每歲十

月屠牛置酒召同類以降神醉則舞刀劍為戲睚
眦結怨報復不已其天性也今亦漸化其舊俗矣
永樂九年象州武仙等洞蠻獠作亂詔發柳州南
寧桂林等衛兵討之十七年象州土吏覃仁用言
其父景安故元時常任本州巡檢有兵獐二百人
今皆為民請收集為軍上不許

廖士美即廖老四象州新慶村人以占卦看地為
業兼作巫師雍正十年於廣東匪犯曾合案內與
修仁縣之陳漢一同解省倖邀審釋怙惡不悛乾

隆三年十一月遇已正法之李梅謀逆密約明春
會李捷三於來賓廖起金家至期梅率捷三往士
美令衆人稱梅為太祖捷三為李王并許事成之
日各給官職田地相約而散梅謀往交阯會李尚
通士美與捷三先行至隆安山路崎嶇捷三不善
走念李尚彩在象州患病遂回象州尚彩愈乃同
往廣南士美輒與梅以挖窖為名分路聚衆士美
往來於遷江武宣象州來賓界內六年六月廣東
陳學賢向與梅誓為兄弟改名李彩會武宣韋扶

提石扶白王扶雨來賓黃老二韋朝登慶遠黃貴
寶忻城韋貴奉藍法長遷江歐起通韋法泉譚貴
鳳黃孟珍十二頭人俱集石斑村韋法泉家士美
亦至彩議撥貴寶攻遷江老二攻來賓扶提攻武
宣士美攻象州彩至古龍埠不得渡因與起通謀
過河攻城之法其衆聞知驚竄彩與梁文成等五
人逃至上林馬蹄村官兵追獲之士美等不知所
往又有馬平古竹村覃老么亦招人至遷江俱未
弋獲七年十一月二十日奉

柳州府志

卷之三十

獠獞

附方言

三十二

上諭廣西李捷三乃奸匪案內之要犯不容漏網者今
緝捕已久尚未拏獲必差往人員怠懈之故此犯甚
有關係可密寄信與慶復令其作何上緊廣緝之處
留心辦理欽此八年十二月十七日又奉

上諭廣西李梅案內李捷三廖士美等乃緊要之犯緝
拏已經二年而兇徒尚無一獲則地方文武官弁疎
忽怠玩可知其潛匿經過之地此時固無從指叅將
來拏獲之後必一一究出將該管員弁加以嚴處不
稍寬貸著該督撫提鎮等出示曉諭俾知儆惕無貽

後悔欽此

來賓縣

縣近城皆居民郭外十數里則皆獯性好仇殺官司勘報無虛歲往往此獄未能奏當而他獄又起稱巖邑焉明嘉靖中北五與遷江之北三及東歐西里三都五都諸賊附馬平多人勁俗號為剗馬賊常陳兵走嶺東掠三水清遠諸縣還入南寧平南武宣來賓籐貴劫府庫已而劫來賓所千戶黃元舉殺土吏黃勝及其子四人兵七十餘人又殺

柳州府志

卷之三十

獯獯

附方言

三十三

明經諸生王朝經周松李茂姜集等白晝劫殺道絕行人隆慶六年巡撫郭朝聘以府江克捷檄令歸降尙老韋法真同被擄來賓遷江民蒙演等詣軍前乞降許之

舊志論曰蠻俗雖殊而大都尚鬼古稱要服惟要約之耳漢武開西南而牂牁之蠻始通中國東京時零陵長沙九真日南諸蠻嘯呼山海而蒼梧象郡亦罹荼毒然稍更易郡守馭以恩威終無梗者唐天寶中邊臣鮮于仲通等挑邊釁而西南諸蠻

騷然發動矣貞元中黃崙首領黃少卿者攻陷邕管經畧使陽旻請兵捕擊徼幸有功沒傷疾疫死者八九乾符中邕管節度使辛讜遣使持牛酒齎美貨啖二崙首領與之通驩并遺其母衣服母賢者也讓其子始罷兵宋時有儂智高之亂命狄青為宣武使督諸軍討之逾年乃平乾道間范成大帥廣西以恩信結諸獠諸獠納狀云某等充山職當鈐束家丁男持棒女把麻任從出入上有太陽下有地宿不得對好翻非偷寒送暖上山同路下

水同船男女帶刀同隨盜賊不用此欸者並依山例山例者教戮也自是帥事一年獠無叛者明洪武中命韓觀為桂林衛都指揮象州等處叛賊方熾觀敗之掩而殲焉自是警報漸稀永樂初潯桂柳蠻寇為亂特遣郎中徐子良齎勅撫安復業者二百六十四戶而命韓觀討其不率者觀用師嚴明諸蠻震懼觀沒後繼之者為顧興祖時宜山諸賊攻劫州縣殺御史諸璞奪其印二年之間叛者復起興祖分兵敗之終不能治也自永樂間征安

南歲徵發廣西從征健卒歿行間者相續有急告
輒請徵召踐更卒不耐其水土又多物故於是營
伍益弱宣德初富川忻城諸猺不靖旋討旋叛因
勅都督山雲代興祖雲至申明號令大小十餘戰
皆以身先士卒其馭諸將尤嚴故每戰輒克諸蠻
震懼自雲而後諸將官養安而已正統成化間兩
江桂平諸處無日不被兵而藤峽尤劇梧潯郡邑
被其蹂躪民幾為墟後因從廷臣議設總督開府
梧州都御史韓雍特受推轂卒殲巨魁厥功爛焉

然粵東西各有內官鎮守內臣與督臣勲臣更相
持衡若鼎足然意見參商賢者無所施其才而愚
者益與之為市報者未必功功者未必報而諸郡
益以多事矣嘉靖初田州煽亂起新建伯王守仁
於家命總兩粵軍事守仁故尚奇畧赦田州罪不
問而藉其力以破藤峽八寨諸巢穴遂令郡蠻少
戢守仁去後賊益鴟張據古田入會城剽藩藏而
奪之金文武大吏為其所戕後乃從廷臣議罷鎮
守諸臣再罷勲臣而制府之權始重隆慶初以粵

西多警增設巡撫自是督撫二臣各一乃心文臣
協策武臣宣力古田府江以及十寨諸藪悉以次
蕩平

本朝定鼎數十年間臥鼓燹弓間有小醜旋即撲滅
籌西疆者當知輕重之所在矣

方言

獐語食曰喂飲咽飯噉衣服不鍋寡鍋蓋空快子
特水缸八蕩魚壁拉肉糯米侯菜迫勒起卑坐論
睡寧床伴柴焚火燬鹽右油吻雞計鴨鼻鵝漢酒

柳州府志 卷之三十 獐獐 附方言 三十六

萎關門黑堵刀架動用器物家甌砧板鉞稱我曰
苟稱人曰猛出外行走曰擺歸家曰擺馬吃飯曰
哽噎吃酒曰哽啍啍穿衣曰擔蒲又米曰買穀郭飯
班酒嫂魚娛肉虐菜翠牛藕豬煮狗藁雞概鴨愛
鹽銀油昏衣衫套透袴貨帶打鞋亥襪賣蓆澤帳
疆枕斬扣拷針轉線信鍋疆蓋怪盃布壺沽刀斗
鎗淺棍確打人拷念檯對檯檔床獐水缸霜走
養坐做笑秀哭霍
獐語衣服曰壘飲吟飯寧鍋撐碗穩快子舊水缸

北	八	帳	菜	醉	行	門	床	甕
都	壺	列	北	倒	走	關	丑	水
椅	豪	睡	牛	曰	曰	禁	桌子	瓢
隘	柴	樓	杜	薰	仰	刀	爵	扎
床	刀	榨	灶	反	歸	滅	板	魚
滿	榨	針	模	又	家	砧	柴	璧
確	腰	尖	衣	米	曰	板	藏	撈
砲	刀	綿	步	曰	仰	腫	火	肉
走	養	埋	套	厚	穆	禪	燻	啞
條	鎗	瓜	到	散	吃	稱	米	美
坐	找	蓋	尹	穀	飯	我	美	菜
鄧	打	勸	帶	厚	曰	曰	賴	賴
睡	人	碗	節	穀	吟	故	起	起
除	服	椀	被	飯	蘇	稱	鳴	鳴
笑	反	快	田	厚	飲	人	坐	坐
科	屋	子	蓆	酒	酒	曰	隨	隨
哭	欄	得	憫	萋	曰	古	背	背
蒂	門	鉢		魚	喝	出		

柳州府志 卷之三十 獠童 附方言 三十七

又	雷	夫	朋	則	頭	岩	蝦	豕
獠	呂	步	友	黍	投	銅	呵	支
獠	雨	君	彭	須	眼	桶	鰲	馬
呼	度	妻	耦	芋	岩	鐵	筆	末
天	垣	妹	屋	吾	耳	塌	雞	紙
曰	電	夜	欄	水	擬	錫	度	志
撒	菡	兄	稻	稅	鼻	削	畝	筆
地	霹	鼻	倒	路	勃	鉛	鵝	迫
代	靂	濃	穀	澆	善	難	度	衣
日	拍	弟	厚	橋	舌	吃	邦	矮
捏	拉	代	古	姚	善	飯	邦	帽
月	祖	伯	米	渡	口	齧	必	浼
胸	竈	拍	厚	豆	靠	錫	牛	靴
星	孫	叔	殘	溪	手	酒	懷	噓
生	參	旭	棉	希	施	棗	羊	襪
風	父	母	啐	灘	足	飯	降	抹
龍	波	牟	荳	探	踏	泛	犬	茶
雲	子	嬪	倒	河	金	魚	誼	抓
渾	勒	閃	稷	訛	乾	粒		硯

念
墨
麥

柳州府志 卷之三十
獠 獐 附 方言 三十八

柳州府志卷之三十終